

Date – 26/07/2025

**Time - 7:30 -7:40Hrs
AKASHVANI AIZAWL**

REGIONAL NEWS BULLETIN

HEADLINES (MORNING)

- 1. DM&R Minister Prof Lalnilawma chuan furpui chhunga chhياتna tamzawk pumpelh a nih theih nan mi tinten mahni chenna bul theuh tui luankawr enkawl that a pawimawh a ti.**
- 2. Home Minister Pu K. Sapdanga hovin Directorate of Forensic Science Laboratory (FSL) dinhmun thlir ho a ni.**
- 3. Prime Minister Narendra Modia leh Maldives President Dr.Mohammed Muizzu-te hovin Maldives khawpui Male sorkar hotute ah an inbia.**
- 4. Prime Minister Narendra Modi chuan naktuk Pathianni chawhma dar 11 hian 'Mann Ki Baat' programme a hmang leh dawn.**

<><><>

DM&R

Disaster Management and Rehabilitation Minister Prof Lalnilawma chuan Mizoram chhungah furpui chhunga chhياتna tamzawk pumpelh a nih theih nan mi tinten mahni chenna bul theuh tui luankawr enkawl that a pawimawh a ti.

He thu hi Akashvani corr nena an inkawmnaah sawiin Minister chuan Mizoram chu flang ram ruahtui tamna hmun a nih avangin leimin pawh kum tin a a awm thin a, khuarel chhياتna thleng thin mahsela chhياتna thenkhat chu mihringte fimkhur tawk loh vang a nih thin thu sawiin, mi tinten mahni chenna in bul tui chhe paihna enkawl that bakah leivung paih kawngah pawh fimkhur tak leh uluk zawka chet lak a ngaih thu a sawi.

Minister chuan mahni chenna bulhnai tui luan kawr put ru a awm leh awmlah endik pawh chhungkaw tin leh mimal tinten an mawhphurhna a ni tih hria a, chhياتna pumpelhna atana hma la theuh turin Mizoram mipui zawng zawng a chah tak meuh meuh thu a sawi bawk.

Mizorama district hrang hrang thuneitu ten State Emergency Operation center-a report an thehluh danin, kumin May ni 24 atanga vawiin thleng khan Aizawl district chhungah leimin leh lei tawlh hmun 131-ah a awm a, Champhai district chu a tuar nasa ber niin leimin leh lei tawlh hmun 269 zetah a awm

bawk, Serchhip district chhungah pawh leimin leh lei tawlh hi hmun 144-ah a awm a, Lunglei district-ah pawh leimin leh lei tawlh hi hmun 82-ah a awm a, heng bakah hian Siaha district-ah 74, Kolasib district-ah 17, Lawngtlai district-ah 13, Mamit district-ah 17, Saitual district-ah 19, Khawzawl district-ah 95 leh Hnahthial district chhungah 29 te a awm bawk a ni.

<><><>

HOME MINISTER

Home Minister Pu K. Sapdanga hovin Directorate of Forensic Science Laboratory (FSL) dinhmun thlir hona, nimin khan FSL Conference Hall, MINECO-ah neih a ni a, Home Secretary Pu Vanlalmawia'n meeting a kaihruai a ni.

Home Minister chuan FSL chu mipui leh ram inngahna, thu buai tam tak chinfelna hmun leh tunlai crime chi hrang hrang chhuichhuahna kawnga inngahna bul pawimawh tak an nih thu a sawi a. Mizoram FSL pawh hmanraw tha zawk nena thawmthat a pawimawh thute a tarlang a. Home Department hnuai peng hrang hrangte inkarah thawh hona tha tak a awm zel a beisei thu a sawi bawk a ni.

FSL hian Mizoram district hrang hranga police officer-te tan training a buatsaih thin a, hnu chhui kawnga an thawh that avang hian kum 2023 khan Central Fingerprint Bureau, NCRB atangin 'Best Case Award in Smart Use of Fingerprint Science in Investigation' lawmman an lo dawng tawh bawk.

Mizoram FSL-ah hian DNA division siam niin, India rama Civil & Criminal Case DNA Profiling ti thei Laboratory 17-na a ni a. Modernisation of Forensic Capabilities kaltingin Mobile Forensic Vehicles 10 leite chu endik vek an ni tawh a. Mizoram FSL thawmchakna tur hian April 3, 2025 khan National Forensic Sciences University (NFSU), Gandhinagar nen thawh hona thuthlung (MoU) ziah a ni tawh bawk a ni.

<><><>

RS MP

Central sawrkar Fisheries Deptt in kumin April thla khan Mizoram Fishery Dept. hnenah SNA SPARSH Scheme kal tlingin cheng Nuaih sangkhat a sanction a, hei hi hman lohva a awm thu Rajya Sabha MP Pu K Vanlalvena hnenah thlen a ni.

MNF Party thuchhuah tarlan danin, Mizoram sawrkarin tun thlenga he pawisa hi a la hman loh avangin sanction dang lokal leh tur cheng nuaih zasarih pawh an dawn loh phah theih thu DONER CONSULTATIVE COMMITTEE ningani-a New Delhi-a Parliament Annexe Committee Rooma thutkhawm ah Fisheries Deptt Director chuan a sawi a ni.

MNF chuan April 2025-a sanction tawh cheng nuai sangkhat chungchang hi hriat an duh thu leh a rang thei ang bera puangzar tur in a phut a. Central sawrkarin a hmanna tura a pek ang ngeia hmang a, sum la hmuh tur tibothlau zawnga khawsa lo turin a chah bawk a ni.

He meeting ah hian Rajya Sabha MP Pu K.Vanlalvena chuan Union Minister of DONER Pu Jyotiraditya Scindia hnenah zawhna siamin kum 2023-2024 atana Union Ministry of DONER in Mizoram PWD hnena Keitum to N.Mualcheng, N.Mualcheng to Zawlsei motor kawngpui sial thatna tura pawisa a lo sanction tawh chu, tun thlenga hna tan a la nih loh thu sawiin, he pawisa pek tawh hi hnukir leh a ni ta nge Mizoram sawrkarin hmun dangah an divert tih a zawt a. Meeting leh hunah he zawhna hi chhan tura dah a ni.



LAWNGTLAI OIL PALM

Lawngtlai ah Mega Oil Palm Plantation Drive, Lawngtlai Bawrhsap Pu Cheemala Siva Gopal Reddy hovin neih a ni.

Mega Oil Palm Plantation Drive, Lawngtlai a neihtur hi ruahmanna hmasa ah chuan Agriculture & Farmer's Welfare Minister Pu PC Vanlalruata hova neihtur a tih niin, Lawngtlai leh Lunglei inkar kawng chu Lunglei District huamchhungah leiminin a hnawh vangin Minister hian Lawngtlai a lutthei lova, Lawngtlai Bawrhsap hovin nimin khan he Mega Drive hi hman a ni.

Lawngtlai Bawrhsap chuan India ram chu Tel eichi ah a intodelhlo tih sawiin, ramdang atangin tamtak lakluh a ni a, Mizoram pawh Tel eichi ah a intodelhlo nasa a, mahni intodelh tur a hmalak a ngai hle tih sawiin, Lawngtlai District a Oil Palm chingtute chu thahnem ngai zualturin a chah a, Kuthnathawktute chu a hralhna awmsa Oil Palm chin kawngah harh thar se a duh thu a sawi.

Oil Palm Mega Plantation Drive hi District Agriculture Officer Pu Lalremmawia Colney chuan kaihruaiin, Patanjali Foods Limited hotute chuan Liapha bul, Lawngtlai District ah Oil Palm herna khawllian bunturin hmalakna kalpui mek a nih thu an sawi a, kum kalta chhung khan Lawngtlai District ah Oil Palm, Metric Ton 650 a KG zawngin, Kg nuai 6 leh a chanve tharchhuah a nih thu leh kumin ah pawh Metric Ton 315.95 tharchhuah a nih tawh thu te, International Rate mil zelin Kuthnathawktu tharchhuah lei a ni a, a tlangpuiin Kg 1 Rs. 15 vel a nih mek thu an sawi.



MYC

Mizoram Youth Commission Chairman Pu Malsawmzuala Ralte chuan sorkar tangka kum kalta chhungin MYC hmalakna a Mizo thalai hna hmu zat chu 153 an nih thu a sawi.

Akashvani palai nena an inkawmna-ah MYC Chairman chuan he thu hi sawiin, Hotel management lamah thalai 97 hna an hmuh thu te, MYC Coaching class-a kal thin thalai 33 in sorkar hna an hmuh bakah MYC atanga Spa Therapist training zo thalai 15 te chu Mizoram pawna an tirchhuah thu te a sawi baw a, Mizoram larsap kalchhuak ta Dr. Hari Babu Kambampati-a hova MYC in hmalakna a neihah Andhra Pradesh-a Special Economic Zone-ah Mizo thalai 8 an tirchhuah thu Pu Malsawmzuala Ralte chuan a sawi baw.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.



SAMVIDHAN HATYA DIWAS

Sawrkar laipua Ministry of Culture in June Ni 25 chu Samvidhan Hatya Diwas (Constitution Murder Day) a a lo puan tawh behchhanin Champhai District-ah he ni pual hian nimin khan Govt. Champhai College ah hun hman a ni.

Samvidhan Hatya Diwas puala exhibition ah hian India ram indin chhohna kawnga mipuite duhthlanna dah pawimawh a nih thin dan te, ram zalenna sualtute sulhnu thenkhat bakah Kum 1975 National emergency puan a nih lai chanchin thenkhat phochhuah a ni. Zirlai naupangte bakah mipui tam takin he exhibition hi chhimin signature board an tarah an hming an ziak theuh bawk a ni.

Samvidhan Hatya Diwas hi Kum 1975 June ni 25 ah India ram Prime Minister Pi Indira Gandhi in Article 352 hnuiaia Emergency a puan champha hriatrengna puala hun hman a ni a, kumin hi a kum 50-na cham a nih angin Central Sawrkar chuan hetiangah hun hmang tur hian ruahmanna siamin mipuite dikna chanvo inzirtirhar lehna leh Democracy ram tana Danpui (Constitution) a pawimawh thu inzirtirna hun puala buatsaih a ni.

Samvidhan Hatya Diwas pual hian Champhai District-ah hmun pali ah hun hman a ni a. Govt. GM High School, Champhai leh Khawbung BDO-ah te hun hman tawh niin, nimin khan a tawp khar nan Govt. Champhai College-ah exhibition hi neih leh a ni.



PM MODI

Prime Minister Narendra Modia leh Maldives President Dr.Mohammed Muizzu-te hovin Maldives khawpui Male ah an inbia a. He hunah hian sawrkar mi pawimawh dang External Affairs Minister Dr.S.Jaishankar, National Security Advisor Ajit Doval leh official te pawh an tel a. Hemi hma hian Prime Minister Modia leh President Muizzu te hi ram pahnih inlaichinna chungchangah an lo inbe tawh bawk a ni.



INDIA MALDIVES

India chaun Maldives hnenah Line of Credit cheng vaibelchhe 4850 pek a remti. Hmasawanna project hrang hran leh ruhrel dinna

turin heng sum leh paia puihna hi pek a ni dawn a. Hei bakah hian ram pahnihte hian thawhdunna tur inremna thuthlung MoU 4 leh inremna dang pathum an ziak bawk a ni. Inremna an ziah zingah hian Line of Credit, leiba rulhna, FTA, fisheries & aquaculture, digital transformation, pharmacopeia leh UPI te a tel a ni.

<><><>

PM MANN KI BAAT

Prime Minister Narendra Modi chuan Pathianni chawhma dar 11 hian 'Mann Ki Baat' programme-ah ram chung leh ram pawn mipuite hnenah thu a sawi leh dawn a, Tun tum ami hi a tum 123-na tur a ni ang.

He programme hi Akashvani leh Doordarshan network pumpui, AIR News website leh Newsonair mobile app-ah te tihchhuah a ni ang a, AIR News, DD News, PMO, leh Information and Broadcasting Ministry-a YouTube channel-ah live-stream a ni bawk ang.

<><><>